



## Universitätsbibliothek Paderborn

**Exempla, In Septem Capitalivm Vitiorvm Detestationem,  
Per Qvadragesimam, An. 1646. narrata**

**Stengel, Georg**

**Ingolstadij, 1649**

§. 13. Patris ira quò se vsque extenderit?

[urn:nbn:de:hbz:466:1-49161](#)

norum more, calcibus morsibusq; inuicem insul-  
tant. Ridiculum est spectaculum, videre duos  
sic inuicem insanentes; & ora, tanquam in-  
fernalia monstra serpentibus succincta de-  
formantes. Qualem putas animum, cuius ex-  
tra imago tam fœda est?

## XIII.

PATRIS  
IRA QVO  
SE VSQVE  
EXTENDE-

Senecc.

lib. 3. de  
ira. c. I.

S.Basilius  
de ira.

Verùm insaniam hanc effectus alij detesta-  
biliorem reddunt. Numquid enim parens  
ille puero, ob tam leuem & exigua noxam,  
in tantum irasci debuit, vt eum lapidibus pe-  
teret? vt consauciaret? vt occideret? Sed  
hoc exordium duntaxat fuit. Cetera vitia im-  
pellunt animos, ira præcipitat. Ceteris etiam si  
resistere contra suos affectus non licet, at certe af-  
fectibus ipsis licet stare: hac non secus quam ful-  
mina procellaq;, & si qua alia irrationalia sunt,  
quia non eunt, sed cadunt, vim suam magis ac  
magis tendit. Quare ira primùm ex patre ty-  
rannum, mox ex homine, belluam fecit. Ita-  
que in filium erupit. Filio sublato, in autho-  
rem reuersa, eum ad restim adegit. Sic vno  
vitio duo ceciderunt. Nimirum, teste S. Ba-  
silio, quemadmodum torrentes ad curua loca de-  
currentes secum obvia quaque trahunt: sic &  
iratorum impetus violenti & instabiles omnia si-  
militer percurrunt atque obruunt. Quod & in  
exemplo nostro fuit videre. Neq; enim ira-  
filium

Alium duntaxat & patrem interemit in desperationem versa; sed etiam caussa fuit; ut infans mergeretur, & ipsa denique mater totius se faceret calamitatis appendicem, ita vitæ prodiga, adeò naturæ oblita, ut nec barbarus ex triuio id vñquam facturus fuisset.

Tristis est hic euentus & dignum tragœdia argumentum, qua Orestes, aut Oedipus ageatur. Sed nec à quotidianis moribus alienus. Quid enim ira non dicit? quid non facit? nunquam nisi in fixo aculeo fugit, more vesparum, aut crabronum, quos quispiam irritauit. Profectò ita est, si effectus eius damnatio intueri velis, nulla pestis humano generi pluris stetit. Videbis cedes ac venena, & reorum mutuas sordes, & urbium clades, & totarum exitia gentium, & principum, sub ciuili hasta capita vanalia, & subiectas tectis faces, nec intra mœnia coërcitos ignes, sed ingentia spatia regnum hostili flamma relucentia. Aspice nobilissimarum ciuitatum fundamenta vix notabilia: has ira deiecit. Aspice solitudines, per multa millia, sine habitatione, desertas: has ira exhaustit. Aspice tot memoria proditos duces, mali exempla fati, alium ira in cubili suo confudit; alium interscra mensa ira percussit; alium inter leges celebrisq; spectaculum fori lancingauit; alium filij

T 2 parri-

## XIV

EX IRA  
QVANTAS  
CLADES?  
Seneca  
lib. 1. de  
ira. c. 2,